



## Publicaziuns dalla vischnaunca, jamna 18

### Damonda da baghegiar

**2019-1018.000**

**Datum dalla publicaziun: 3 da matg**

Il patrons: Marco ed Andrea Schmed-Beer, Via Plauncas 1, 7180 Disentis/Mustér

Il representant: huonder bisquolm architects sa, Via da Scola 18, 7180 Disentis/Mustér

Object: Construcziun nova d'ina casa d'ina famiglia sin parcella 3904 alla Via Soliva,  
7180 Disentis/Mustér

#### **Protestas:**

Il plans da construcziun ein deponi tier l'administraziun communal. L'envesta publica cuoza 20 dis dapi il datum dalla publicaziun. Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 25 d'avrel 2019

*Uffeci da baghegiar Disentis/Mustér*

---

### Lubientscha da baghegiar

L'istanza da baghegiar ha concediu suandonta lubientscha da baghegiar:

**Nr. 2019–1002.000**

Tumaisch Fry-Kempf, Hoheneggweg 8, 8636 Wald/ZH; construcziun nova d'ina bargia e plantar tuja (seiv viva) sin parcella 549, Via Caschuarz 2, 7180 Disentis/Mustér.

Disentis/Mustér, ils 24 d'avrel 2019

*Uffeci da baghegiar Disentis/Mustér*

---

### Annunzias da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau suandonts projects:

**Nr. 2019 – 2022.000**

Corsin e Rahel Bisquolm-Albin, Via Alpettas 8, 7180 Disentis/Mustér; engrondir il plaz da seser e construir in mir da sustegn ord canasters da crappa sin parcella 3877, Via Alpettas 8, 7180 Disentis/Mustér.

**Nr. 2019 – 2024.000**

Rosmarie Fry-Maissen, Via Buretsch 3A, 7186 Segnas; remplazzament dalla seiv dil curtgin sin parcella 392, Via Buretsch 3A, 7186 Segnas.

**Nr. 2019 – 2025.000**

Nervenschoner Informatik GmbH, Via Lucmagn 9, 7180 Disentis/Mustér; remplazzament dalla portarascha vid igl edifeci nr. 80 sin parcella 708, Via Lucmagn 9, 7180 Disentis/Mustér.

**Nr. 2019 – 2029.000** Beat Simonet, Via Sogn Valentin 6, 7183 Mumpé Medel; lavurs da manteniment vid las scalas ed ils mirs da sustegn en curtin sin parcella 1093, Via Sogn Valentin 6, 7183 Mumpé Medel.

**Nr. 2019 – 2033.000**

Condomini parcella 700, Via da Scola 6, 7180 Disentis/Mustér; lavurs da manteniment e colurar il balcon existent tier igl edifeci nr. 89B, parcella 700, Via da Scola 6, 7180 Disentis/Mustér.



Encunter quellas decisiuns san ins protestar a scret enteifer  
20 dis dapi la publicaziun alla suprastonza communal.  
Disentis/Mustér, ils 24 d'avrel 2019  
*Uffeci da baghegiar Disentis/Mustér*

---

## Cussegl da vischnaunca

### Rapport dalla seduta dils 25-4-2019

En sia seduta dils 25 d'avrel 2019 ha il cussegl da vischnaunca, sut il tgamun dad Armin Berther, tractau sper il quen 2018 duas damondas da credit da formar da niev igl areal da scola e sanar ils plazs avon halla Cons e scola veglia sco era d'adattar il passapei per liung dalla Via Cons.

La sanaziun dil plaz-scola, dil plaz dir avon halla Cons, dalla cuvrida avon la casa da scola veglia e la formaziun nova dil contuorn digl areal da scola (incl. urdeins) fatschenta la vischnaunca dapi onns. En vesta che nies areal da scola vegn era duvraus per occurrenzas sco la dertgira nauscha, la fiera da Nadal ni la fiasta dil vitg e sco liug da sentupada da tut gener, eis ei necessari da realisar in areal da scola che cuntenta il menaschi da scola sco era ils basegns ed ils giavischs dils convischins. Nossa scola da moviment duei plinavon posseder in areal da scola ed in plaz da pausa nua ch'il moviment digl affon vegn promovius.

– Cun vusch unanima ha il cussegl concediu per la formaziun nova digl areal da scola e la sanaziun dils plazs avon halla Cons e la scola veglia in credit da frs. 295 000.–.

– Medemamein unanimamein ha il parlament concediu per l'adattaziun dil passapei in credit da frs. 112 000.–.

– La damonda da credit da frs. 295 000.– vegn el senn dallas prescripziuns digl art. 21 lit. c dalla constituziun communal suttamess al referendum facultativ.

Ils 21 d'uost 2015 ha il cussegl da vischnaunca giu concediu in credit da planisaziun da frs. 450 000.– per la sanaziun dalla casa da scola «nova» Cons e dalla piazza da scola. El rom dil program d'investiziun ha la suprastonza communal concludiu da spustar la sanaziun dalla casa da scola nova a Cons. Sin proposta dalla suprastonza communal ha il parlament decidiu unanimamein d'abolir il credit da planisaziun da frs. 450 000.–. La tractaziun dil quen e rapport da gestiun 2018 ha vicepresidente Mario Flepp tgamunau. Il quen 2018 siara cun in legreivel cash-flow dad 1,76 milliuns francs. Il quen da gudogn e sperdita 2018 siara cun cuosts da frs. 15 250 412.40 e recavs da frs. 15 487 506.94. Ordlunder resulta ina surpli da recavs da frs. 237 094.54. Il quen d'investiziun cuntegn cuosts da frs. 4 870 879.44 e recavs da frs. 1 420 322.95, pia investiziuns nettas da frs. 3 450 556.49. Las grondas investiziuns pertuccan la Via Acletta cun frs. 680 284.55, la canalisaziun a Cavardiras cun frs. 586 772.91, il rempar en Val Acletta cun netto frs. 1 384 283.69 sco era projects forestals da netto frs. 186 939.46.

Suenter haver sclariu differentas damondas ha il cussegl da vischnaunca approbau unanimamein il rapport da gestiun ed il quen 2018. Plinavon ha il parlament decidiu cun vusch unanima da far in deposit dad 1,3 milliuns francs ella prefinanziaziun per la sanaziun cumplexsiva dil Center da sport e cultura. Il quen 2018 vegn conform agl art. 21 lit. a dalla constituziun communal suttamess al referendum facultativ.

*Suprastonza communal*

---

## Referendum facultativ

A caschun da sia seduta dils 25 d'avrel 2019 ha il cussegl da vischnaunca:

– concediu unanimamein in credit da frs. 295 000.– per la formaziun nova digl areal da scola e la sanaziun dils plazs avon halla Cons e la scola veglia; – approbau unanimamein il rapport da gestiun ed il quen 2018.

Conform ad art. 21, lit. a resp. c dalla constituziun communal ein quellas decisiuns suttamessas al referendum facultativ. Ils messadis davart quellas duas fatschentas ed il quen 2018 ein exponi per envesta en casa communal (stanza nr. 10).

Enteifer 20 dis dapi la publicaziun officiala han 80 votants la pusseivladad d'inoltrar enviers sura conclus il referendum e pretender ina votaziun dil pievel.

*Suprastonza communal*

---



### Referendum facultativ spirau

Il 29 da mars 2019 ha il cussegl da vischnaunca approbau cun 13 encunter ina vusch la revisiun parziala dalla lescha d'agricultura ed il regulativ da taxas tier la lescha d'agricultura.  
Encunter quella decisiun ei enteifer il termin fixau buca vegniu fatg diever dil referendum, aschia che la revisiun parziala dalla lescha d'agricultura ed il regulativ da taxas tier la lescha d'agricultura passan en vigur retroactivamein cuagl 1. da schaner 2019.  
La lescha d'agricultura ed il regulativ leutier sco era las ulteriuras legislaziuns communalas ein publicadas sin [www.disentis.ch](http://www.disentis.ch) – Downloads – Leschas.  
*Suprastonza communal*

---

### Via d'uual Punt da Brulf–Fontanivas Serrada dalla via

Muort las lavurs da construcziun per slargar e rinforzar la via d'uual sto quella vegnir serrada per tut traffic motorisau sil tschancun naven dalla Punt da Brulf entochen tier il stan da sittar a Sars–Fontanivas. Per pedunzs e velocipedists ei il passadi adina pusseivels. Las lavurs da construcziun cuozan entochen miez fenadur 2019. Per sclariment stat il biro da planisaziun Enzler Bauleitungen, telefon 081 250 35 35 ni il selvicultur da revier Simon Cathomen, telefon 081 920 36 41 bugen a disposiziun. Nus supplichein da prender enconuschientscha da quests avis.  
Bien engraziament per la capientscha.  
Disentis/Mustér, ils 13 da mars 2019  
*Uffeci forestal Disentis/Mustér*

---

### Nova lescha d'agricultura, novas contractivas

Il 29 da mars 2019 ha il cussegl da vischnaunca approbau cun 13 encunter ina vusch la revisiun parziala dalla lescha d'agricultura ed il regulativ da taxas tier la lescha d'agricultura.  
Encunter quella decisiun ei enteifer il termin fixau buca vegniu fatg diever dil referendum, aschia che la revisiun parziala dalla lescha d'agricultura ed il regulativ da taxas tier la lescha d'agricultura passan en vigur retroactivamein cuagl 1. da schaner 2019.  
La lescha d'agricultura ed il regulativ leutier sco era las ulteriuras legislaziuns communalas ein publicadas sin [www.disentis.ch](http://www.disentis.ch) – Downloads – Leschas.  
*Suprastonza communal*

---

### Invitaziun als purs dalla vischnaunca Disentis/Mustér

Cu? **Gievgia, ils 16 da matg 2019**

Nua? Gassa da Cuoz 1, luvratori communal, 2. Alzada

1. part 9.00–10.30 per gudida da pastira a: Mumpé Tujetsch - Cunel – Prau Sura – Bostg – Val da Cuoz - Val da Segnas – Stgeinas – Val da Peisel - Caischavedra
  2. part 10.30–11.00 per gudida da pastira a: Val Acletta – Pardi – Stavel – Alp Magriel
  3. part 11.00–11.30 per gudida da pastira a: Val Clavaniev – Crap Furau – Platta Lada
  4. part 13.00–14.30 per gudida da pastira a: Val S. Placi – Turatscha – Raveras – Fontanivas – Cavardiras – Plaun Valentin – Protistein
  5. part 14.30–15.30 per gudida da pastira a: Disla – Pardomat – Madernal – Barcuns
  6. part 15.30–16.30 per gudida da pastira a: Mumpé Medel – Fontauna – Plaun Tiatscha – Vergera
- Departament d'agricultura dalla vischnaunca da Mustér*
- 

### Clom d'urgenza 118

Preziadas vischinas, preziai vischins  
S'imaginei ch'ei brischa e negin vegn! Adina puspei caschunan fiugs gronds donns, gie mettan schizun en prighel la veta da persunas – savens perquei ch'ils pumpiers vegnan buca clamai ni memia tard. Biars tratgan: zatgi ha bein alarmau, mo adina puspei ei quei buc il cass, era tier nus el Grischun.  
Perquei vala: Tier ina situaziun nua ch'ils pumpiers vegnan duvrai, ei da telefonar immediat al clom d'urgenza 118. Mo aschia eis ei garantiu ch'agid professiunal arriva il pli spert pusseivel sil plaz.  
Engraziel per Vies sustegn!  
*Vos Pumpiers Sursassiala*

---



## Coop – duell da vischnaucas 2019

### Mustér e contuorn rimna minutas e resta fit!

La vischnaunca da Mustér, specialmein ellas lecziuns da sport dil meins matg da Nossa scola populara, separticipescha il 2019 per la secunda gada al duell da vischnaucas, sponsuraus da Coop. En quella edizium va ei per rimnar individualmein ni en gruppa minutas d'activitad per nossa vischnaunca. In/a e scadin/a che ha plascher ei envidada/envidaus da separticipar. Carghei l'applicaziun «Coop Gemeinde Duell» sin Vies telefonin, elegi «Gemeinde Disentis» e suandei las declaraziuns ell'applicaziun. En differents loghens a Mustér (per exempel administraziun communal, Nossa scola populara, Center da sport e cultura eav.) pendan naven d'entschatta matg placats per s'informar e telecargar las minutas gudignadas cun agid d'in code da QR. L'acziun cuoza igl entir meins da matg 2019. Per damondas ed ulteriur sclariment stat Roger Tuor (081 936 44 25, meinascola@scoladisentis.ch) a Vossa disposiziun.

Engraziel per Vies engaschi e cordials salids

*Nossa scola populara Mustér*

---

## Uniun da gymnastica da dunnas Muster

Ils proxims datums per nossa purschida: Line-Dance inagada il meins ein: **Gievgia, ils 4 d'avrel ed ils 9 da matg 2019** allas 19.30 el Center da sport Muster. Nus envidein tuttas interessadas pil sault – vegni tier nus en halla da gymnastica! El num dalla uniun da gymnastica da dunnas Muster (tel. 079 672 50 46).

---

## Frauenturnverein Disentis

Die nächsten Daten für das Line-Dance-Angebot einmal im Monat sind: **Donnerstag, 4. April und 9. Mai 2019**, um 19.30 Uhr im Center da sport in Disentis. Wir laden alle Tanzbegeisterten ein, bei uns hereinzuschauen. Uniun da gymnastica da dunnas Muster (Tel. 079 672 50 46).

---

## Concert: Krar – in viadi ad Eritrea eine Reise nach Eritrea

**Gievgia, ils 16 da matg 2019**, Center sursilvan d'agricultura, Disentis/Mustér

Krar – das ist ein Zupfinstrument, das vor allem in Eritrea und Äthiopien gespielt wird. Samuel Mesfin lebt seit drei Jahren in der Schweiz, zurzeit im Transitzentrum Bellavista in Disentis. Er spielt seine Krar sanft, melancholisch – und vor allem mit viel Herzblut. Dazu singt er Texte in den Sprachen Tigrinya und Tigre. In Eritrea ist Samuel regelmässig aufgetreten; in der Schweiz hatte der junge Musiker noch nie Gelegenheit dazu. Er wird in Disentis sein Schweizer Debüt-Konzert geben. Dazu gibts eritreischen Tee, gemütliches Beisammensein und interkulturelle Gespräche. Organisaziun: Forum intercultural Mustér FIM/portas aviartas naven dallas 19.30, entschatta allas 20.00 – entrada libra, collecta.

---

## Forum Kloster Disentis

### Christoph Schwytzer

Der Autor liest aus «Menschsein ist schon ein Beruf» Sonntagsbriefe von P. Dr. Werner Hegglin  
Forum Kloster Disentis

### Donnerstag, 9. Mai 2019

20.30 Uhr Peter-Kaiser-Saal  
Freier Eintritt, Kollekte

---



### Invitaziun Seniors-Ca

**Gievgia, ils 9 da matg 2019** dallas 14.00–16.00 en Puntreis. Occurrenza speciala da Seniors-Ca e Puntreis: Seniors/senioras presentan moda per seniors/senioras – silsuenter petta e caffè.  
*Post d'informaziun Seniors-Ca*

---

### Meisa da miezdi organisada da Seniors-Ca e Puntreis

Entschatta: allas 12.15 en Puntreis  
Gentar cun treis tratgas inclusiv 3 dl aua dalla spina ed in caffè. Annunzia entochen allas 9.00 dil di alla Puntreis (tel. 081 929 56 56)  
La meisa da miezdi ei aviarta per mintgin/a.  
*Post d'informaziun Seniors-Ca*

---

### Uniun pelegrins da Lourdes Surselva

#### Survetschs divin el meins matg 2019

Nus envidein tuts commembers sco era buca commembers cordialmein a suandontas messas, **gliendisdis, ils 6 da matg** allas 19.00 a Rueun, **gievgia, ils 23 da matg** allas 19.00 a Segnas.  
Nus selegrein sin Vossa presenza!  
*La suprastonza*

---

### Lourdes-Pilgerverein Surselva

#### Gottesdienste im Mai 2019

Wir laden alle herzlich zu folgenden Gottesdiensten ein, auch Nichtmitglieder **Montag, 6. Mai 2019**, um 19.00 Uhr in Rueun, **Donnerstag, 23. Mai 2019**, um 19.00 in Segnas.  
Wir freuen uns auf Ihre Teilnahme!  
*Der Vorstand*

---

### Wollsammlung

#### Samstag, 4. Mai 2019

Segnas Barit 8–10 Uhr  
Ilanz Werkhof 13–16 Uhr

---

### «Café rumantsch» a Mustér

**Venderdis, ils 10 da matg 2019** allas 20.00 ella caffetaria dil Center da sport e cultura cun Hubert Giger, schurnalist, autor e historicher. Nus discurren cun Hubert Giger davart la persecuziun dallas strias. Einheimische, Zweithemische, Zugezogene und Gäste treffen sich regelmässig zum rätoromanischen Austausch.  
Cordial beinvegni  
*Lia Rumantscha e Gion Hosang, menader*